

Drumi na grandi na Miami

Mamasita di coordinador di Ministro a haya tereno Erfpacht

♪ ♪ Esta un dushi bida... pa Mamasitanan...! ♪ ♪

ORANJESTAD (AAN) Dios spaar pueblo di Aruba cu loke e gobierno di MEP ta haciendo cu patrimonio nacional pasobra tereno erfpacht con cu bin con cu bay ta di pueblo di Aruba y manera cu na otro paisnan unda ciudadanonan di e pais ta bin na prome lugar pa haya tereno, na Aruba tambe mester ta mescos, pero den practica esaki no ta e caso.

Pa decadanan largo tabata tin critica riba otorgamento di terenonan erfpacht y partido MEP a core campaña cu e promesa di duna e Arubiano prome tereno erfpacht y bin cu un sistema husto pa reparticion di tereno erfpacht, pero kico ministro Marisol a haci te awe cu reparticion di terenonan erfpacht?

Esnan cu ta politicamente liga cu partido MEP y cu Marisol Tromp ta esnan prome yama pa haya tereno erfpacht y cualkier permiso pa proyectonan riba tereno erfpacht y esaki ta e criticanan cu a bin ta plama rond Aruba pa ultimo 4 aña.

Awor ta sali otro mal ehempel di un caso unda te hasta un mamasita kende ta biba na grandi na Miami ta haya tereno erfpacht pa traha su cas riba dje.

Ta trata di un mamasita di un coordinador di ministro cu tres luna pasa a haya

tereno erfpacht y pa colmo madam ta drumi trankil di dje na Miami, Merca mientras na Aruba tur tramitenan a worde haci na DIP pa mamasita por a haya su tereno erfpacht.

Cuanto Arubiano cu a yega di tripi di bay puntra ki dianan ta yega na remarke pa

haya tereno riba cual na tin decadanan largo caba ta wardando riba dje, por haya e mesun luho cu e mamasita kende ta drumi na grandi na Miami y ta haya su tereno gefix pe sin cu un solo musca ta bula?

Esaki ta e maneho di Orden

y Prosperidad cu Marisol Tromp ta pidi pueblo pa bolbe dune 4 aña mas?

Tabata tin un ministro kende den campaña anterior a bisa cu voz halto 'No hay cama pa tanta gente' pero e no a bisa pueblo cu ora MEP drenta gobernacion lo bay tin

cama pa mamasitanan si anto pa colmo regla via departamento di ministro Marisol Tromp.

Esaki no ta manera e cancion popular ta bisa; 'Esta un dushi bida pa e Arubianonan' pero 'Esta un dushi bida pa e mamasitanan'.

Taxistanan tambe a pidi aumento cerca Ministro

ORANJESTAD (AAN): Prijs di gasolin ta sigui subi, y awor bo tin di paga mas pa yena bo tanki. Fuera di esey, e pronostico mundial cu kizas e aña aki ainda e prijs di bari di crudo por yega \$100, ta spantando hopi hende.

Esnan cu ta worde afecta

directamente pa e aumento di prijs di gasolin, ta e Taxistanan. Nan tin un tarifa vast pa cumpli cune, y e prijs di combustible si no ta keda vast.

DIARIO a haya sa, cu Diahuebs durante reunion di Ministro cu Taxistanan na Central di Taxi na Pos Abao,

unda enberdad no tabatin hopi miembro presente, tog un carta oficial a worde entrega na e titular di Transporte.


E peticion ta referi na aumento di tarifa, debi na e aumento barbaro di prijs di combustible na Aruba.

Aworaki, na Aruba tin di

paga como \$3.81 pa galon di Unleaded. Pesey mes, Taxistanan ta pidi pa aumenta tarifa, cu \$3 pa rutanen mas largo, y aumento di \$1 pa e rutanen chikito.

Ministro a bisa cu e lo bay trata e peticion aki.

BAO MEZA DEN AVP!!



BEST DEAL
PARADERA

BEST SHOPPING DEAL

Turibana Plaza

LAS AMERICAS

Pariba di Burger King
(Caya Grandi)



**Agenda
SPECIAL**